

The Ohio State University



3 2435 01482 7216

BP187.3A1

001

1327 sene-yi hicriyesi hacc- serifine

THE OHIO STATE UNIVERSITY BOOK DEPOSITOR



D	AISLE	SECT	SHLF	SIDE	POS	ITEM
8	06	17	17	7	07	004

MAIN STACKS

[illegible]

TO RENEW CALL
422-3900

۱۸۵۲

۱۳۲۷ هجری قمری
تغیله مانده



در سعادت

قنجا نجلر بقوشنده سلانیك مطبعه سی

۱۳۲۵

۱۳۲۷ هـ
تَعْلِيمًا لَكَ

Tun



در سعادت

فنجانچیلر یقوشنده سالانیک مطبعه سی

۱۳۲۵

۱۳۲۷ سنه هجريه سی حج شریفنه مخصوص تعلیماتدر

BP 187.3

41

احکام عمومیہ

برنجی ماده رجب شریفک غره سندن ذی الحجہ نک نہایتنه قدر
جانب عالی حجازہ کیدن بالجملہ مسلم یولجیلر حجاج عد اولنور . (بوسنه
رجب آیینک ابتداسی آفرانغه تموزک اون اوچنه و شهر ذی الحجہ نک
غایه سی دخی کانون ثانیئک اون ایکیسنه تصادف ایتمکده در .)

ایکنجی ماده انجق صورت منتظمه ده تشکل ایتمش سفائن
شرکتلری واپورلری ایله بوشرکتلر طرفدن استیجار ایدیلان واپورلر
بقل حجاج ایتمک مآذوندر .

اوپنچی ماده حجاج سفائی حجاج ایله حجازہ کیدن و یاخود
حجاجی حامل اولدینی حالده حجازدن عودت ایدن مراکب بحریه در . اشبو
سفائنک برر قطعه استیعاب شهادتنامه سنی حامل اولملری لازمدر .

دردنجی ماده بر واپوردن دیگر واپوره حجاج اقطارمه ایدلمسی
قطعیاً ممنوعدر .

بشنجی ماده بهر یوز صافی طونیلاته باشنه یالکز بر حاجی نی حامل
اولوب حجازہ کیدن مراکب حجاج سفائنندن معدود دکلدر . مراکب
مذکورہ نک کلدکلری محللره قارشو موضوع تدایره و صحیہ پانتہ لرینک
احکامنه نظراً حقلرنده معامله اولنه جقدر .

آلتنجی ماده حجاج سفائی خسته لقدن سالم و شبهه لی و بولاشق
اولق اوزره اوچ قسمه منقسمدر .

برنجی قسم

قولرا و وبا و یا صاری حمادن مصون اولان بر لیماندن کلان و کرك قبل الحركه و كرك اثنای سفرده و حین مواصلتده درونلرنده علل مذکور ددن داعی شبهه برکونه وقوعات ظهور ایتماش اولان مراکب علتدن مصون عد اولنان سفائندر .
علتدن مصون اولان سفائن ایکی صنفه منقسمدر .

برنجی صنف

بحر احمر و مصر و یاسویش قنالک شمالنده کائن لیمانلردن کلان سفائندر .

ایکنجی صنف

باب المندب خارجنده و عربستان و افریقا سواحلهنده کائن لیمانلردن کلان سفائندر . برنجی صنفه منسوب اولان سفائنک درونلرنده معاینه طیه بالایفا احوال صحیهلری برکمال اولدینی تبیین ایتد کدن صکره پراتیقهلری همان اعطا قلنه جق و ایکنجی صنفه منسوب سفائن ایسه بالجمله حجاج و یولجیلرینی تحفظخانهیه بالاخراج معاینه طیهیه تابع طوتلمق و کیرلی چاشور و اشیای مستعملهلری تجیر ایدلمک اوزره یکر می درت ساعت مدتله احتیاط قرانتنه سنه تابع طوتیله جقدر .

ایکنجی قسم

کرك قبل الحركه و كرك اثنای سفرده و حین مواصلتده قولرا و وبا و یا صاری حمادن درونلرنده وقوعات ظهور ایتدیکی حالده اولاعلل مذکور ددن

مصنوعون فقط بونلرك حكم فرما اولديغى ممالكه يقين اولان و ياخود او ممالك ايله مناسبته بولنان و ثانياً علل مذكوره نك موجود اولديغى ليانلردن كلان مراكب شههلى سفاندر .

« استرقتس ستلمانقس » اطلاق اولنان مالزياشبه جزيره سيلان و هندستانده كي فامك مستملكاندن و كوراجي به اوغرامقسزين بصره كورفرنده واقع ايران ليانلردن ورود ايدن سفان دخى شههلى سفانك برنجى قسمندن معدوددر . سفان مذكوره اركاب و اخراج مدتى داخل اولقسزين تام اوج كون قرانتهيه تابعدر حجاجك كيرلى چاشور والبسه مستعمله ليله داعى شهه اولان اشيالرى تجير و سفان دخى تطهير و تجير اولنه جقدر هندستان ليانلردن وسنددن كلانلرايله كوراجي به اوغرامش اولان مراكب شههلى سفانك ايكنجى قسمندن معدوددر . بوقسم سفان قاعده كليه اوله رق مع تجيرات اون كون قرانتهيه تابع اوله جق و حجاجك كيرلى چاشور والبسه مستعمله ليله اشيالرى تجير اولنه جقدر . اشبو قرانته اوله حجاجك اركابندن همان اول سفان معاينه طيبه و تجيرات فنيه و اتلاف فار نظامنامه سى احكامنه تابع طو تلق ثانياً حجاجك البسه مستعمله ليله اشيالرى حجاج اركاب اولنمزدن اول تجيراته تابع طو تلق ثالثاً اشبوتدا برك تمامى اجراسى حركت ليانندن و يريلان صحيه پاتنه سنه ويا بو پاتنهيه مربوط رسمى برشهادتنامهيه صراحة ذكر و تصديق اولنمش اولديغى حالده اركاب و اخراج مدتى داخل اولقسزين يدى كونه تنزير اولنه جقدر . حركت ايتديكى صوك بولاشق ليانندن اعتباراً مدت سفر لا اقل اون درت كون اولوبده آنف البيان شرائطى ايفا ايتامش اولان سفان ايچون دخى قرانته مدتى يدى كونه تنزير ايديله جقدر .

بحر سياه ليانلردن كلوب درونلرنده قبل الحركه ويا اثنائى سفرده و حين مواصلته قولرا و وبادن وقوعات ظهور ايتديكى حالده علل مذكوره دن مصنوعون و فقط بونلرك حكم فرما اولديغى ممالكه يقين اولان

ویا خود او ممالك ايله مناسبتده بولنان لیمانلردن کلان سفائن اشبو ماده نك
ایکنجی و علل مذ کورده نك موجود اولدیغی لیمانلردن کلان مرا کب دخی
اوچنجی قسمنه داخلدر .

سفائن مذ کوره نظاماً اجرایی لازمکن قرانتنه بی سینوب تحفظخانه
سندده ایفا ایدہ جکلردر .

اوچنجی قسم

درونلرنده قولرا و وبا و یا صاری حمادن وقوعات اولان و یا قبل الحركه
و یا اثنای سفرده و یا خود قرانتنه زماننده تحفظخانه ده حجاج و یولجی و یا
طاقفه میاننده علل مذ کورده دن وقوعات ظهور ایتش بولنان مرا کب
بولاشق سفائندر .

سفائن مذ کوره آنی الذکر اصول مخصوصه یه تابع طوتیله جقدر
شویله که قولرا و وبا و یا صاری حمادن مصاب اولان آدمیر سفینه دن اخراج
و تحفظخانه ده علل مذ کوره ایچون تأسیس ایدی لان خسته خانه مخصوصه
نقل ایدیله جک و بعد التبخیر ممکن مرتبه جزئی مقدارده اوله رقیکی دیگرندن
تجرید و حجاجک مجموعی ايله قولرا و وبا و یا صاری همانک ظهور ایدہ حکمی
بر قسم مخصوصه برکونه رابطه و اختلاطه میدان بر اقامامق اوزره اسکان
ایدیله جکدر .

اشبو حجاج ايله یولجیلر قرانتنه نك دوام ایتدیکی مدت ظرفنده
کندیله نی کتورمش اولان سفینه ايله اختلاط ایدہ میه جکلردر . کرك
حجاج و یولجیلرک و کرك طاقفه نك چاشورلریله اشپای مستعمله لری
و یتاق طاقلریله اشپای ثقیله لری تبخیر ایتدیر یله جک و ظهور ایدن علت
وبا ایسه سفینه مع تبخیرات اتلاف فار نظامنامه سی احکامنده تابع طو -
تیله جق و انبارلرده کی صولر تبخیر و مذکور صولر تخلیه و ایچلمکه مخصوص
سفینه دروننده بولنان صودخی تبخیر و تخلیه اولنه جق و برینه تحفظخانه نك تطهیر

ماکنه سی صویندن قونیه جقدر سفینه ایله حجاج و یولجیلری قولرا و و یا صاری حما و قوعاتندن تجرید اولندیغی تاریخدن اعتباراً هر قسم آرو آرو اون کون قرانته بکلیه جکلردر . حجاج مومی الیم میانده هر یکی وقوعات ظهور ایتدجکه بونلر تجیرانه و اون کون دها قرانتهیه تابع طوتیه جق و قولرا و و یا صاری حمایه مبتلا اولان خستکاندن طولایی سرایت مرض تهلهکنک تماماً بر طرف اولدیغی تحفظخانه اطباسی طر . فندن تحقق ایتدیرلدکن صکره مرضای مومی الیم تحفظخانه دن چیقه . جکلردر . حجاج مومی الیم حرکت ایتزدن اول اشیای مستعمله لری صوک بر تجیره و کندیلری صابونله دوش و بعده مضاد تعفن بر استحمامه تابع طوتیه جکلردر .

یدنجی ماده بر قرانته کوننک مدتی یکر می درت ساعتدن عبارتدر .

سکزنجی ماده قولرا و و یا صاری حما موجود اولان محللردن کلان اشیای تجاریه بولاشقلغه معروض اولدیغی حالده سفینه ده براقیله رق تدابیر تطهیرییه دن و رسوم صحیه دن معفو طوتیلور . مع هذا کهنه و مستعمل اشیا ایله قوللانیلمش اقمشه و یقانماش یوکلر و اسکی بموقلرایله بولاشقلغه معروض قالان و هوالندیر مق و تجیرایدلک و موضوع تعرفه سی موجبنجه رسوم صحیه سی استیفا قلمق اوزره تحفظخانه یه اخراج ایدلمسی لازم کلان بالجمله مواد و اشیای تجاریه مستثنادر .

قوی پوستالار داخل اولمقسزین مکاتب و مخابرات و اوراق مطبوعه و کتب و جرائد و مصالحه عائد اوراق هیچ بر تدبیره تابع طوتیه جقدر .

طقوزنجی ماده بالجمله صنوف حجاج طرفندن کتیریلان ماکولات تحفظخانه لری اطباسی طرفندن کال دقله معاینه و مضر صحت و بولاشق اولدیغی تبین ایتدیکی تقدیرده احما ایدیله جک و بولاشق اولنلر حجاجه عیناً تضمین قانه جقدر .

اونجی ماده هیج بر سفینه پراتیقه آلدینی حالدہ بیلہ اورایہ ایصال ایتمش اولدینی بالجمله حجاجی قرانتہ سنی بعد الاکمال بتکرار ارکاب ایتدکجه تحفظخانه دن حرکت ایدہ میه جک و فقط حجاج مومی الیهم میاننده ظهور ایدن خستکانک یوللرینه دوام ایدہ میه جک بر حالدہ بولندقلری تین ایدہ جک اولور ایسه تحفظخانه ده آلیقونیله جقدر .

بولاشق سفائن حقنده یالکیز بر استننا اوله بیلورکه اوده بولر قرانتہ مدتک انقضاسنده نظاماً لازمکن قرانتہ پی بعدالایفا علتدن سالم اوله جق حجاج قافله لرینی سمت مقصودینه نقل و ایصاله ماذون بولنه جقدر . مع مافیہ اشبو ماذنیت تحفظخانه ده قالان دیگر قافله لک قرانتہ سی اکمال اولمزدن اول سفینه نک تحفظخانه یه عودت ایدہ بیلمسيله مشروطدر . برده قبودان مذکور قافله لری تکرار ارکاب ایتک اوزره همان عودت ایدہ جکنی تحریراً تعهد ایتک مجبوریتنده اولوب تأمینات اوله رق تحفظخانه وزنه سنه کافی مقدار بر مبلغ تسلیم ایدہ جقدر .

اون برنجی ماده صاغ حیوانات ایله ایشلنماش جلود و قیل و خام یوک و طرناق مثللو خام حیوانات قیرنتیلری و صاچ و اسکی چواللر و پچاوره و معدن کموری و غاز و دیگر هر درلو مواد مشتعلہ نک اثنای سفرده سفینه نک احتیاجانه مقتضی کمور و حیوانات مستننا اوله رق حجاج سفائی دروننه تحمیلی قطعاً ممنوعدر .

اون ایکنجی ماده خطه حجازیه لیمانلرمدن برینه کیتک اوزره یوزدن زیاده حجاج تحمیل ایدن هر سفینه ده برطیب بولنه جق و مأمورین صحیہ عثمانیه طرفندن طلب و قوعنده دیبلوماسنی ارانیه مجبور اولان اشبو طیب سفینه دروننده کی خستکانک اسم و شهرتيله سنی و محل تولدینی و خسته لقلرک اغراضيله صورت تداوی و نتایجنی ناطق اولق و ایروجه کاغدلره یازلیوب بردفتر مخصوص اوزرینه تسطیر ایدمک شه طيله برجدول تنظیم ایدہ جک و بو جدولی طلب ایلیان مأمورین صحیہ برر صورتی

تودیع ایلیه جکدر . مع مافیه مأمورین مومی انیهم بالاده ذکر اولنان دفتره مراجعتده هر زمان سربست بولنه جقلردر . بوندن ماعدا سفینه دروینده اجزای طیه و تجریه و خستگانك تداویسنه مقتضی لوازم سائرده بولندیر لمق اقتضا ایدر . سلامت و نظافت و تجدید هواچه شرائط لازمه بی حائز بر خسته خانه تشکیله مرضاتك تداوی و اقامه سنه تخصیص ایدیه جك و قولرا و وبا و صاری حمادن مصاب اوله جق کسانى تجرید ایچون کوکرته اوزرنده واقع بر محله و سائط مقتضیه موجود بولندیر یله جق و مداوات و اجزای طیه بجاناً اجرا و اعطا قلنه جقدر .

اون اوچنجی ماده بر عثمانلی لیماندن حرکت ایدر حجاج سفینه سنده معاشی سفینه نك قومپانیه سی طرفندن اعطا ایدمك و حرکت ایتدیکی لیمانك مأمورین صیه سی طرفدن تعیین و یا قبول ایدمك اوزره بر طیب بولمق مجبوریدر .

بو وجهله آلمش اولان طیب سفینه نك احوال صیه سنه عائد بالجمله معلوماتی مع تحلیف اعطا ایده جکنی تحریراً تعهد ایده جکدر . بیکدن زیاده حجاج تحمیل ایدن هر سفینه ده ایکی طیب بولنه جقدر عودت حجاجده دولت علیه لیمانلرندن برینه کیده جك و یا دولت علیه لیمانلرندن برینه حجاج اخراج ایده جك سفائن حقننده دخی احکام مذ کوره جاریدر .

منتظم قومپانیه لره عائد واپورلرده بولنان دیپلومالی اطبا دیپلوماسنی اداره صیه یه ابراز ایتمك و واپورك احوال صیه سی حقننده بالجمله معلوماتی اعطا ایده جکنه دائر دیگرلری مثللو تحلیف ایدمك و تحریراً تعهد ایتمك شرطیه قبول اولنه بیله جکلردر .

اون دردنجی ماده حجاج نقله تخصیص قلنان بالجمله سفائنك هر سنه تفتیش و ایجابنده مساحه لرینك اجرایی مجبوری اوله جقدر .

مساحه و سائر شرائط مخصوصه

اون بشـنجی ماده حجاج ارکابه تخصیص قلنه جق هر سفینه نك اجته سی و یا خود اجته سی بولنه جق ارلورایسه قپودانی اون سکز و اون طقوزنجی ماده لرده ذکر و تفصیل اوله جنی و جهله حجاج سفائی دروننده بولمسی اشبو احکام مخصوصه ایجابجه لازم کلان شرائط مخصوصه بی تدقیق ایتمک و مساحه معاملاتنی وقت و زمانیه ایفا ایلمک اوزره حجاج ارکابه باشلانلزدن اوچ کون اول مأمورین صحیه تحریراً اخبار کیفیت ایدم جک و مساحه اجراسنه مباشرت ایدلمزدن مقدم صو و کمور آلمق کبی معاملات دخی اکمال قلنه جقدر .

اون آلتنجی ماده سفینه نك مساحه و تفتیش مصارفی قپودانی طرفندن تأدیه ایدیلهرک مأمورین عائدہ سنجه اجرا قلنه جق وارزوایتدیکی تقدیرده کندی طرفندن دخی بری کوندرلمک اوزره سفینه نك منسوب اولدینی قونسولاتو اشبو تفتیشدن رسماً خبردار ایدیله جکدر . اشبو مساحه نك هر دفعه اجراسنک مصارفی اوله رق مأمورین صحیه طرفندن التی عدد عثمانلی لیراسی اخذ اولنه جقدر اگر قپودان اشبو تعلیماتک اون طقوزنجی ماده سی احکامنه توفیقاً کندی مملکتک مأمورین عائدہ سی طرفندن تنظیم قلنمش براستیعاب رسمی شهادتنامه سنی حائز ایسه و اشبو وثیقه نك حال حاضر سفینه یه موافق اولمدیغنه دائر بر کونه ظن و شبهه موجود دکل ایسه یالکمز تفتیش معامله سی اجرا اولنه جقدر .

اون یدنجی ماده حجاج سفائی احوال استثنائیه ده و خدمت لرندن طولایی لزوم کورلدیکی تقدیرده آتی الذکر التی لیمانده یعنی از میر و بیروت و ضرابلس غرب و جدّه و حدیده و بصره ده مساحه اولنه بیله جکدر . مع هذا سفائن مزبورمک در سعادته مواستلرلنده اداره صحیه معرفتیه

يکيدن فقط مجاناً مساحه اولنه بيله جك واوليكي مساحه نك اون سکنز واوز طقوزنجي ماده لر احکامنه تماميله توافق ايتديکي تيين ايدە جك اولور ايسه مسئؤل اولان صحيه طيبي بوندن طولاي غايت آغر مجازات انتباهيه دوجار ايديله جکدر .

اون سکنزنجي ماده مأمورين صحيه دولت عليه ليمانلرندن برينه نقل ايتک اوزره حجاجي حامل اولان سفينه نك آتی الذکر شرائطي ايضا ايتمش اولديغنه کسب قناعت ايتدیگري حالدە مذکور سفينه نك حرکتی منع ایچون منسوب اولدیغی حکومتە مراجعت ایدە جکدر . شرائط مذکورە سفينه نك تهلاکه سزجه اجرای سفر ایدە جك بر حالدە بولنسی مکملأ تطهیر و تنظیف و لزومی حائده تخییر ایدلمش و دروننده کی فاره لرك اتلافی ایچون توتسولنمش (در سعادتن حرکت ایدە جك سفائن ایچون بومعامله بعدما بحر سیاه بوغازنده واقع قواقده اجرا قلنه جقدر) اولسی و بالجله حجاج و یولچیلرینک مناسب بر صورتده اسکان و اقامه سیچون کوکرته آلتنده کی قاتده نظاماً لازمکن وسعتی حائز اولسی و بوقاتک هرایکی طرفه لایقیله آچیلوب قیاديله جق و تجدید هوا ایچون خونیلری بولنق اوزره برر لومبار دلیکی آچیلنسی واشبو لومبار دلیکلرینک ضیا و هوانک دخولنه مساعد اوله جق درجه ده و کافی مقدارده بولنسی و لا اقل بر متره کنیشلکنده و باصه مقلری یکرمی سانتیمتر و ارتفاعی تجاوز ایتیه جك ثابت ایکی نردبان اوتوزدن یوز قدمه قدر طولده بولنان کوکرته آلتنده کی قاتلر ایچون و درت نردبان بوندن زیاده جسامتمده بولنان کوکرته قاتلری ایچون انشا ایدلنسی و کوکرته ایله کوکرته آلتنده کی قاتلرک اخشاب و یا یکدیگرینه غایت ملاصق تخته دوشمه ایله قاپلانمش تیموردن اولسی و سفینه دروننک ترتیبات و لوازم مطلوبه بی حائز و هوادار بولنسی و کوکرته آلتنده کی قاتلرک لایقیله هوالنديرلنسی ضمننده هرانبار دلیکی ایچون لا اقل ایکشردانه اولق لزومی قدر اوزونلقده بولنق اوزره دائمی و ثابت مانیه لر دن ماعدا

ضمیمهٔ دیگر مانیه‌لر ده‌اقونلمسی و خدانکرده حریق و قوغنده استعمال اولنه بیلیمک ایچون کافی درجه‌ده اوزونلقده و سفینه‌نک ماکنه‌سنه ربط اولنه بیلور برصورتده خرطوملری و مقدار کافی فلککسی تخلیصیه سمیدلری [۱] بولنسی درون سفینه‌ده بولانلرک صحت و سلامته مضر اولان ویا اوله بیله‌جک اولان هیج برشیئک بولنامسی و طائفه‌نک قومانیه‌سندن فضله اوله‌رق درون سفینه‌ده صورت مناسبه‌ده یرلشدیرلمش ماکولات و هردرلو بولاشقدن عاری برمنبعدن مأخوذ ایو جنسندن ایچیله‌جک صوایله محروقات بولنسی و بونلرک بالجمله حجاج و یوجلیره و سفرك دوام ایده‌جکی مدت ظرفنده کفایت ایده‌جک راده‌ده اولنسی خصوصلرندن عبارتدر . قاج یاشنده اولور ایسه اولسون هر بر حاجی و یوجلری به برکون ظرفنده و یریله‌جک ماء لذیذ بش لیتره [۲] مقدارنده بولنه‌جقدر . حجاج سفائننده طائفه نفراتی داخل اولدینی حالدده هر بر شخص ایچون کونده بش لیتره صو و یره‌بیله‌جک بر آلات تقطیریه بولنسی و ماء لذیذ و صهرنجلرک هردرلو تلویثاتدن عاری اولق و صوتوزیماتی موصلق و طولومبه‌لردن بشقه برواسطه ایله اجرا ایدلامک اوزره مسدود اولنسی و اصولی دائره‌سنده براختراع براتی آلمش اولدیغه دائر اوزرنده تمغایی و تخیرات و تطهیرات مؤثره اجرا ایده‌جک آلات و ادوات لازمه

[۱] حجاج سفینه‌سنک ایکسی تخلیصیه صندالاری اولق اوزره آتی الذکر نسبتده فلککسی اوله‌جقدر شویله که : سکز یوز صافی طونیلاتیه قدر اولان سفائنک حجم مجموعی ۱۷۳۰ انکلز قدمی جسامتنده اوله‌رق بش و ۸۰۰ دن ۱۰۰۰ طونیلاتیه قدر اولانلرک حجم مجموعی ۲۰۴۵ انکلز قدمی جسامتنده اوله‌رق الی و ۱۰۰۰ دن ۱۲۵۰ طونیلاتیه قدر اولانلرک حجم مجموعی ۲۵۴۵ انکلز قدمی جسامتنده اوله‌رق ینه الی و ۱۲۵۰ دن ۱۵۰۰ طونیلاتیه قدر اولانلرک حجم مجموعی ۳۰۰۰ انکلز قدمی جسامتنده اوله‌رق ینه الی و ۱۵۰۰ طونیلاتیه قدر اولانلرک حجم مجموعی ۳۶۰۰ انکلز قدمی جسامتنده اوله‌رق یدی فلککسی اولماید .

[۲] بش لیتره ۸ ۳/۴ انکلز پنته‌سنه معادلدر .

مکمله یی حائز بولنان بخار ماء تضییقی ایله متحرک و ایو بر حالده بولندیغی و منتظماً ایشلیدیکی حجاجك راکب اولدیغی لیمانده کی مأمورین صحیه جه تصدیق قلنه جق برنه توو ماکنه سی بولنسی لازم کلور و برده حجاج و یولجیلرک کندیلرینه مخصوص اطعمه یی طبخ و احضار اتمک اوزره درون سفینه ده لااقل ایکی محل بولنه جق و بشقه یرده آتش یاقق منع ایدیله جکدر . سهاورلرک اشبو مطبخلردن بشقه محلده استعمالی قطعاً ممنوعدر .

کوکرته اوزرنده سفینه نك هر ایکی طرفنده کورلیه جك صورتده و حجاج و یولجیلرک احتیاجاتی ایچون دکر صوبی تدارك ایده . بیلیمک اوزره ال ایله ایشلر برطلومبه یی حاوی بر محل تخصیص ایدیله جك و بو یولده بر محل دخی منحصرأ قادینلره تخصیص اولنه جقدر طائفه یه مخصوص خللردن ماعدا چنقو ویا قورشون ایله قاپلانمش و صو ایله ایشلر ونجاستی طوغریدن طوغرییه دکره سوف ایدرک پیسلکک قالمسنه مانع اوله جق بر مجرا ایله مجهز آبدستخانه لر بولنه جق و بو آبدستخانه لر درون سفینه ده کی الی کشی ایچون لااقل بر ممشا نسبتنده اولمق اقتضایدر . بوکا مشابه کافی مقدار خللر دخی قادینلره مخصوص اوله جقدر کوکرته آلتنده کی قاتلر ایله انبارده اصلاً ممشا بولنیه جقدر اثنای سفرده لزومی اولان ما کولاتدن ماعدا حجاج و یولجیلرک اشیای ثقیله سی ایله بالجمله سلاحلری قید و برر نومرو ایله ترقیم اولنه رق سفینه نك انبارینه وضع ایدیله جك و هر درلو اشیای تجاریه مواد سازددن خالی وایکی قات تنه ایله مستور طوتلیسی لازم کلان کوکرته کیجه و کوندوز طائفه نك و کوکرته آلتنده کی قاتده بولنان یولجی و حجاجك مجاناً استعماله منحصر و مخصوص اوله رق بونلر ممکن مرتبه کوکرته ده قالمق ایچون تشویق ایدیله جکدر کوکرته اوزرینه علاوات احداث وانشاسی کلیاً ممنوعدر .

اون طقوزنجی ماده سنی هر نه رادده اولور ایسه اولسون

ارڪ ويا قادين بولنسون هر بر حاجي به تخصیص ایدیله جك محل صو
 کسیمندن یوقاری اولان کوکرته آلتنده کی قاتده اولق اوزره لاقل بر
 بچق مترو یعنی اون التی انکلز قدمی سطحنده و مذکور قات لاقل بر
 مترو و سکسان سانتیمتر یعنی آلتی انکلز قدمی ارتفاعنده اولمیدر. [*]
 حاجی واپورلرنده صو کسیمندن آشاغی اولان قاتلر یولجی و حاجیلرک
 اقامه سی ایچون غیر صالح عد اولنه رق مساحه ایدیله جك و فقط اشبو
 تدبیر صورت عمومیه ده اولوب اگر مذکور قاتلر لایقيله هو اندیرلمش
 و یانلری تحته ایله اورتولمش و صو کسیمی ایله دوشمه نك آره سی ایکی
 انکلز قدمی تجاوز ایتامش ایسه اوراده حاجی اقامه سی مجاز اوله جقدر
 یتاقی کوکرته آلتنده کی قاتلرده الکتریک ایله تحریک ایدیلور هو ابوریلری
 و الکتریک ضیاسی بولنه جق اولور ایسه بهر حاجی به ۸۶ انکلز قدمی
 مکعبی تخصیص قلنه جق ر اشبو قاتلرک دوشمه سنی صو کسیمندن آشاغی
 اولسه بیله حجاج کرامک اوراده اقامه سینه مساعده ایدیله جقدر مع مافیه
 علی العجله احصار ایدیلن و وسائل استراحت و رفاهدن عاری بولنان
 کوکرته آلتنده کی یتاقی قاتلر ایچون بالاده بیان اولنان مساعده دن استفاده
 اولمیه جقدر سفینه مأمورین و طائفه سینه مخصوص قماره و محلامر اساساً
 تخصیص ایدلدیکی خدمتلرده منحصرأ استعمال اوانه جنی کی اورالرده
 حجاج اقامه سی دخی منع ایدیله جقدر قابوتار خدمتی ایفا ایدن سنبوقلره
 ارکاب ایدیلان حجاج و یولچیلره تخصیص قلنه جق محل هر بری ایچون
 لاقل ایکی مترو مربعی سطحنده اولمیدر [۱] حجاج سفائی دروننه وضع
 اولنان تقطیر وئه توو ماکنه لری ایله هوا بوریلرینک و الکتریک ضیاسنک
 مطلوب درجه ایشلیدیکی مساحه قومیسو نجه تحقق ایتدیریله جقدر.

[*] انکلز قدمی ۳۰.۴۷ سانتیمترودر .

[۱] سنبوق مساحه سطحیه سنی استحصال ایچون مرکزی اعتباريله طولی
 کناردن کناره وسطدن کچمک اوزره عرضيله ضرب اولنه جقدر .

یکرمنجی ماده خطه حجازیه لیمانلریله بحر احمرک عربستان و آفریقا سواحلی آرەسندە قابوتار خدمتی ایفا ابدن و مدت سفرلری اوچ کوندن زیاده امتداد ایتمیان حجاج سفائی حرکت لیمانندە سالت مستولیه موجود اولمدیغی حالده یوقارودده کی مادهده مصرح اساسلر اوزرینه تنظیم ایدلمش اولان استیعاب رسمی ورقه لرندە مندرج مقداردن یوزده یکر می بش نسبتندە فضلە حجاج ارکاب ایدەبیلە جکلردر .

یکر می برنجی ماده اشبو تعلیماتنامەنک کافه احکامنە رعایت ایتمامش اولان حجاج سفائنە استیعاب شهادتنامەسی ویرلیە جکلر .

یکر می ایکنجی ماده حجاج سفینە سنک اوغرایە جنی هر هانکی بر ایماندن اولور ایسه اولسون حین حرکتندە ارکاب ایلدیکی حجاجک مقدارینی ناطق قبودانندن بر شهادتنامە طاب اولنە جق و قبودان ایلە آجنتە مأمورین صحیہ نظرندە حجاجک مقدارندن متسلسلاً مسؤل عد اولنە جقلرندن مذکور شهادتنامە یی برنجیسی امضا و ایکنجیسی تصدیق ایللە جکلردر .

یکر می اوچنجی ماده قبودانلە سفینە طیبی و طائفەسی درون سفینەدە نظافت و انتظامک محافظە سنە نظارت ایدە جکلردر .

طیب حجاجک ساکن اولدقلری کوکرتە التندە کی قاتک هر کون یولجیلرک کوکرتەدە بولندقلری هنکامدە مضاد تعفن ایلە قاریشیق قوری قوم ایلە کوزلجە سیلنمش اولدیغنە کسب قناعت ایتملیدر .

سفینە طیبی قبوانە لزوم کوردیکی بالجلە تدابیر صحیہنک امر تطیقندە قبودان طرفندن مظهر معاونت اولە جقدر .

یکر می دردنجی ماده کرک قبل الحج عزیمتندە و کرک بعد الحج عودتندە مواد آنفە احکامنە توفیق حرکت ایتمیان هر بر حجاج سفینەسی مواد صحیہ مغایر حرکت ایتمش نظریلە باقیلەرق شدتلی مجازاتە تابع طوتیلە جقدر .

یکر می بشنجی ماده اشبو تعلیمات احکامیلە حجاجک ارکاب و اخراجندە

تخفظخانه مدیرلری طرفدن وقوع بوله جق اشعار و تنبیهاتک تمامی تطبیق و اجراسنه حجاج سفائن قبودانلری مجبوردرلر .

یکرمی التنبی ماده موصلت لیمانک مأمورین صحیه سی سفینه دروننده ازدحام وقوع بولدیغنی و یا حفظ الصحه شرائطک یولنده اولدیغنی مشاهده و تحقیق ایلیه جک اولور ایسه سفینه ک منسوب اولدیغنی حکومت مأمورینک انضمام معاونتیه هر دفعه سنده برضبطنامه تنظیم ایلیه جک و بو ضبطنامه ک بر صورتی دائره صحیه تسیر و دیگر بر صورتی سفینه اجنبی ایسه عائد اولدیغنی قونسولاتویه و عثمانلی ایسه حکومت محایه یه تودیع و تسلیم ایدیله جکدر .

یکرمی یدنجی ماده اشبو تعلیماتنامه احکامک تمامی اجراسنی تأمین ایچون مأمورین صحیه طرفدن هر نه زمان طلب وقوع بولور ایسه حجاجک واپورلره را کب اولدقلری بالجمله لیمانلرک مأمورین ملکیه و عسکریه سی صحیه مأمورلرینه معاونت و مظاهرت ایتمک مجبور اوله جقلردر .

بجر احمر

یکرمی سکزنجی ماده رجب شریفک غره سندن ذی الحجه ک نهایته قدر قرآن تخفظخانه سی اورایه کلان حجاج سفائن بالقبول قرآننه لرینی اجرا ایتدیرمک اوزره آجیق بولنه جقدر .

یکرمی طقوزنجی ماده رجب شعبان رمضان شوال ذی القعده ذی الحجه آیلری ظرفده صحیه پاتنه لری هر نه یولده اولور ایسه اولسون باب المنذب خارجندن کلان و درونلرنده حجاج بولنان سفائن اشبو تعلیماتنامه ک نک بشنجی و اوتوزنجی ماده لرنده کوستریلانلر مستثنا اولمق اوزره بجر احمرک هیچ بر لیمانه اوغرامقسزین طوغریدن طوغری یه قرآن تخفظخانه سنه کیتمک مجبوریتنده در .

اوتوز نجی ماده حامل اولدقلری حجاجك مقداری بهر یوز صافی طونیلاته باشنه بش کشی نی تجاوز ایتماک اوزره تحدید قلمش اولان سفائن جده قریبند کائن اولوب بتون سنه آچیق بولنان ابوسعده تحفظخانه سنه سنه نك هر موسمنده کیده بیله جکله واورایه حجاج ایله قرانتنه یه تابع و حجازه کوندریله جک اولان اشیای تجاریه نی بعد الاخراج سفر لرینه دوام ایچون سربست بولنه جقاردر .

اوتوز برنجی ماده حجاجی حامل اولان سنبوق و سائر مراکب صغیره هر صورتله حجاج سفائننه ممائلدر . بولردن بحر احمرک برلیماندن دیگر بر لیمانه سیر و سفر ایدوب قرانتنه یه تابع اولانلر اشبو قرانتنه یی ابوسعده یا قران تحفظخانه سنده اجر ایده جکدر . باب المندب خار جندن کلانلر طوغریدن طوغری یه قران لیمانه کیتمکه مجبور ایله جق و بحر احمرک سواحل عربیه سنده کائن دیگر بالجه لیمانلردن قبول اولمییوب رد ایدیله جکدر . اوتوز ایکنجی ماده دروننده صافی طونیلاتوسنک یوزده بشنی متجاوز حجاج بولنان بولاشق سفینه هیچ برحالده ابوسعده تحفظخانه سنده قرانتنه سنی ایفایه مأذون اولمیه جقدر .

اوتوز اوچنجی ماده قراندن جده یه کیدن برسفینه دروننده حجاج ویولجیلر ویا طائفه سی میاننده قولرا ووبا ویا صاری حمادن وقوعات ظهور ایده جک اولور ایسه مذکور سفینه قرانه سوق واعاده اولنوب بولاشق سفائن حقنده کی اصول مخصوصه یه یکیدن تابع طوتیله جقدر .

اوتوز دردنجی ماده ایچلرنده قرانده قولرا ووبا ویا صاری حماد ظهور ایدن حجاج ویولجی قافله لری ابوسعده تحفظخانه سنده بش کون مدته قرانتنه یه و تجیرات شدیدیه تابع طوتلدقچه جده ده تمیز پراتیقه ایله قبول ایدلمیه جکدر . مع هذا یونلری ابو سعده ایصال ایدن سفائن حجاج و ویولجیلری و بولنلرک اشیاسنی و جده یه مخصوص اولان اشیای تجاریه یی تحفظخانه یه اخراج ایتدکدن صکره تمیز پراتیقه ایله تکرار حرکت ایده بیله جک و فقط بو پراتیقه

معامله سی انجق سفینه ایله طائفه نك اشیا والبسه سی تجیر ایدل دکن صكره اجرا اولنه حقدر .

اوتوزبشنجی ماده حجج شریف اثناسنده قولرا ووبا ویا صاری
حما ظهور ایده جك اولور ایسه بصره کورفرزنده کی عثمانلی ویا ایران
لیمانلرینه متوجهاً جده دن حرکت ایده جك حجاج سفائی قرانده یدی
کون قرانتیه تابع طوتیله جق و حجاج وسفینه وطائفه حقنده تجیرات
مقتضیه ایفا قلنه جق و حجج شریف وبادن بولاشق اولدینی حالد سـفـینه
دخی اتلاف فأر نظامنامه سی احکامنه تابع طوتیله جقدر .

سفائن مذکور قیودانلری منسوب اولدقلری حکومتك قونسولاتو
مامورینی حضورنده وجده صحیه انسیکتوری مواجهه سنده بالاده محرر
تدابیری ایفا ایتك اوزره طوغریجه قران تحفظانه سـنـه کیده جکلرینی
تعهد ایده جکلردر .

اوتوز آلتنجی ماده قرانتیه تابع بولنان ممالکدن کلوبده یمنه
کیده جك اولان بولاشقلاغه معروض طوتلیان اشیاى تجاریه مأمورین صحیه نك
نظارتی تحتده اوله رق حدیده یه اخراج اولنه بیلور . حجاج ایله برار
یمنه کتوریله جك بولاشقلاغه غیر معروض اشیاى تجاریه یی حامل اولان
سفائن حجاج ویولجیلرینی قرانه اخراج ایتدکن وسفینه ایله طائفه نك
اشیا والبسه سی تجیر ایدل دکن صكره حجاج ویولجیلر ایله سفینه طائفه سی
قولرا ووبا ویا صاری حمادن مصون اولدقلری تقدیرده ایکی صحیه غاردیانی
حاملأ اشیاى تجاریه سی چیقارمق اوزره طوغریجه حدیده یه کیده بیله .
جکدر . انجق سیر سفائنه کوسـتـریلان بوسهولت قرانتیه سی ا کال
وکتورمش اولدینی حجاج ویولجیلر قرانتیلرینی ایفا ایتدکلی آنده
مومی الهمی بتکرار ارکاب وجده یه ایصال ایلک اوزره سفینه نك
طوغریدن طوغرییه حدیده دن قرانه عودت ایده جکنی مین سفینه
قیودانی طرفدن قران صحیه مفتشـنـه بریـانـامه اعطا قلنمق شرطیله

مشروط اولوب اشیای تجاریه نك اخراجی ایچون حدیده دن امرار ایدیلان مدت سفینه نك قرانته سی کونلرندن تنزیل ایدیله جك ایسه ده بومدك قرق سکنز ساعتی تجاوز ایتما سی لازم کلوب عکسی حالده کمینک احوال صحیه سنه نظارت ایتک و مصارفی دخی کمی به عائد اولمق اوزره قمراندن بر صحیه طبیی آلفه مذکور سفینه مجبور اوله جقدر .

اوتوز یدنجی ماده . هند و یامالزیا حجاجی خطه حجازیه به هر قنغی طریق ایله کلور لر ایسه کاسونلر چیققدقلری محالره قارشو موضوع قرانته یه تابع طوتیله جقلردر . ومع مافیه تمیز محالرده کچیره جکلری مدتی اصولی دائره سنده تنظیم ایدلمش شهادتنامه لر ایله اثبات ایدیله جك اولور ایسه اشبو مدت بولاشق ایامندن محسوب ایدیله جك ومومی الیهم حققرنده تخیرات اجرایی مجبوری بولنه جقدر .

اوتوز سکنزنجی ماده . اشوبننده بیان ایدیلان تدابیر مصرک احوال صحیه سنجه لزوم کورلدیکی حالده اجرا قلنه جقدر :

خطه مصریه دن ورود ایدن بالجمله حجاج ایله سویش طریقیه جانب عالی حجازه کلان هند و یامالزیا حاجیلری اقتضای حاله کوره آنتنجی ماده نك ایکنجی فقره سی موجبنه اوچ ویا اون کون قرانته یه وضع اولنه جقدر . آلتنجی ماده نك ایکنجی فقره سنده کوستریلان شرائط ثلثه یی ایفا ایتمش اولان سفینه نك چیققدیغی لیان وبا وبا قولرادن بولاشق اولدیغی تقدیرده حقننده موضوع اولان اون کون قرانته یدی کونه تنزیل ایدیله جقدر . خطه مصریه دن چیقوبده دروننده بولنان حجاجک مقداری صافی طونیلاتو حسابیه یوزده بش راده سنده اولان سفائن حجاج مومی الیهمی ابو سعد تحفظخانه سنه اخراج ایتک صلاحیتی حائر اوله جق و خطه مزبورده دن کلان سفائن دروننده کی حجاج یوزده بش نسبتی تجاوز ایتدیکی تقدیرده قرانته سی ایفا ایتک اوزره قران تحفظخانه سنه کیتمکه مجبور بولنه جقدر . شمالدن وتمیز محالردن کله جك اولان سفائن سویش قنالی شدتلی قرانته

التندہ کچمش و خطہ مصریہ ایلہ ہیج برکونا اختلاطدہ بولنامش ایسہ درونلرندہ کی حجاج کرام طیب معرفتیلہ معاینہ اولنہ رق تختلرینک یولندہ اولدینی تبین ایتدکدنصکرہ سفائنہ حجازاسکلہ لرندہ تمیز پراتیقہ ویریلہ جکدر . قالدن نہ کی شرائط تحتندہ مرور اولنہ بیلہ جکی اشبو تعلیماتنامہ یہ مربوط بولنان ۱۹۰ نومرولی و ۹ تشرین اول سنہ ۱۳۱۸ تاریخی تحریرات عمومیدہ مصرح اولوب معافیہ سفائنک شدتلی نظارت صحیہ تحتندہ اولہ رق سویش ویاخود پورت سعیددہ کور آملرینہ مساعدہ اولنہ جقدر .

﴿ بحر سفید و سیاہ ﴾

اوتوز طقوزنجی مادہ بہر صافی طونیلاتو باشنہ مسلمان اولہ رق بشدن زیادہ اوچنجی صنف ویاخود کوکرتہ بولجیسنی حامل اولدقیری خالدہ رجب ، شعبان ، رمضان ، شوال ، ذیالعقدہ ، ذیالحجہ آیلری ظرفندہ بحر سفید و سیاہک عرہانکی برلیمانندن حرکت ایدن و طرابلس شام ایلہ یافہ داخل اولدینی خالدہ سمت مقصودی بوایکی محل آرسندہ کی لیمانلردن برینہ ویاخود مذکور لیمانلرہ اوغرایہ جق اولان مرا کب حجاج سفائنندن معدوددر .

قرقنجی مادہ مادہ سابقہدہ بیان اولنان سفائن اشبو تعلیماتنامہ نک بالجلہ احکامنہ تابعدر .

قرق برنجی مادہ طرابلس شام ایلہ یافہ داخل اولدینی خالدہ بوایکی محل آرسندہ کی لیمانلرہ مارالبیان آلی آی ظرفندہ استیعاب رسمی شہادتنامہ سی اولدینی خالدہ ورود ایدہ جک سفائنک اوغرادینی لیماندہ اوچنجی صنف ایلہ کوکرتہ بولجیلری تعداد و معاینہ اولنہ جقدر .

قرق ایکنجی مادہ حجاج سفائنندن معدود اولوب بحر سفید و سیاہک بولاشق اولیان برلیمانندن حرکت ایدن مرا کب اجرا اولنان معاینہ طبیہ سی مساعد اولدینی خالدہ بالجلہ عثمانلی لیمانلرندہ پراتیقہ آلمق حقنی حائزدر .

قرق اوچنجی مادہ حجاج سفائنندن معدود اولوب آلتنجی مادہ نک

ایکنجی فقره سی احکامنجه بحر سفیدك شبهه لی بر لیمانندن حرکت ایدن
مرا کب طوغریدن طوغری یه قلازومن ویا طرابلس غرب و یاخود
بیروت تحفظخانه لردن برینه کیده رک معاینه طیبه و تطهیرات و تجیرات
ایله تام اوچ کون قرانته یه تابع طوتیله جقدر .

مع هذا ، سفائن مذکوره حامل اولدیغی یولجیلرله امتعه یی بیروت
تحفظخانه سنه اخراج ایتدکن صکره بولاشق حالنده اجنبی لیمانلرینه کیده بیله جقدر .
قرق دردنجی ماده حجاج سفائنندن معدود اولوب آلتنجی ماده نك
ایکنجی فقره سی احکامنجه بحر سفیدك بولاشق بر لیمانندن حرکت ایدن
مرا کب طوغریدن طوغری یه ماده سابقه ده بیان اولنان تحفظخانه لردن
برینه کیده رک اون کون قرانته ایله معاینه طیبه و تطهیرات و تجیراته
تابع طوتیله جقدر .

مع هذا ، سفائن مذکوره آلتنجی ماده نك فقره ثانیه سنده ذکر
اولنان شرائطی ایفا ایتش اولدقلری تقدیرده اون کون قرانته مدتی
تام یدی کونه تنزیل قلنه جقدر .

قرق بشنجی ماده حجاج سفائنندن معدود اولوب آلتنجی ماده نك
ایکنجی فقره سی احکامنجه بحر سیاهك شبهه لی بر لیمانندن ورود ایدن
مرا کب طوغریدن طوغری یه سینوب تحفظخانه سنه کیده رک معاینه طیبه
و تطهیرات و تجیراته و تام اوچ کون قرانته یه تابع بولندیر یله جقدر .

قرق آلتنجی ماده حجاج سفائنندن معدود اولوب آلتنجی ماده نك
فقره ثانیه سی احکامنجه بحر سیاهك بولاشق بر لیمانندن ورود ایدجک
مرا کب طوغریدن طوغری یه سینوب تحفظخانه سنه کیده رک معاینه
طیبه و تطهیرات و تجیرات ایله اون کون قرانته یه تابع طوتیله جقدر .

مع مافیه ، سفائن مذکوره آلتنجی ماده نك فقره ثانیه سنده بیان
اولنان شرائطی ایفا ایتش اولدیغی تقدیرده اشبو اون کون قرانته مدتی تام
یدر کونه تنزیل ایدینه جقدر .

قرق یدنجی ماده حجاج سفائنندن معدود اولوب بحر سیاه ویا بحر سفیدک شهلی ویا بولاشق بر لیمانندن کلان مراکب نظاماً معین اولان قرانته مدتی اکیال ایتدکن صکره طوغریدن طوغری به بیروت تحفظخانه نه سنه کیده رک اوچنجی صنف یولجیلری ایله کوکرته یولجیلری حقنده معاینه طیه وایکنجی دفعه تطهیرات و تخیرات اجرا ایدیله جک و سفینه نک مذکور یولجیلر طرفندن اشغال ایدی لان اقسامی دخی تطهیر و تخیر اولنه جقدر . مع مافیه ، سفائن مذکوره مأمورین صحیه نک نظارتی آلتنده یولجی ، مأکولات ، صو و کور ایله یولجیلرک صحتته و سفینه نک سلامتته مضر اولمان امتعه بی طیب بولنان هر عثمانلی لیماننده ارکاب ایده بیلور .

قرق یدنجی ماده حجاج سفائنندن معدود اولوب بحر سیاه ایله بحر سفیدک شهلی ویا بولاشق بر لیمانندن کلان مراکب نظاماً معین اولان قرانته مدتی اکیال ایتدکن صکره بیروت تحفظخانه سنه کیده رک اوچنجی صنف ایله کوکرته یولجیلری حقنده معاینه طیه و ایکنجی دفعه تطهیرات و تخیرات اجرا ایدیله جک و مذکور یولجیلرک اشغال ایتدکلری محللر دخی تخیرات و تطهیراته تابع طوتیله جقدر .

مع هذا . سفائن مذکوره مأمورین صحیه نک نظارتی آلتنده یولجی و مأکولات و صو و کور ایله یولجیلرک صحتته و سفینه نک سلامتته مضر اولمان امتعه بی طیب بولنان هر عثمانلی لیماننده ارکاب و اخذ ایده بیله جکدر .

قرق سکزنجی ماده بحر سیاه لیمانلرندن برندن کلان حجاج سفینه سی دروننده قولراویا وبا ظهور ایده جک اولور ایسه سفینه مذکوره بحر سیاه بوغازی مدخلنده توقیف و قیودانک اختیاری وجهله سینوب تحفظخانه سنه ویا کلدیکی محله سوق و اعده اولنه جقدر . حجاج سفائنندن بری بوغازلردن حین مرورنده ویا بعدالمرور ویا بحر سفیده دروننده وقوعات ظهور ایده جک اولور ایسه قلازومن تحفظخانه سنه عزیمت ایده

جکدر . والحاصل سويش قنالندن حين مرورنده و يا بعدالمرور درون
سفینه ده وقوعات ظهور ایدہ جک اولور ایسه سفینه قیودانک اختیاری
وجہلہ طور و یا قران تحفظخانہ لرندن برینہ سوق اولنہ جکدر .

قرق طقوزنجی مادہ بحر سیاه و سفیدک خستہ لک اولمیان بر
لیمانندن کلہ رک دروننده یوزده بشدن زیادہ مسلمان اوچنجی صنف ایلہ
کو کرتہ یولجیسی حامل اولان و استیعاب رسمی شہادتنامہ سی اولمیان
و یا اشبو تعلیماتنامہ احکامہ مغایرت تشکیل ایدرک بر عثمانی لیمانہ ورود
ایدن بر سفینہ ہیج بر لیمانده توقف ایتمکسزین طوغریجہ بیروته
کیدہ جکدر .

مع هذا سفینہ مذکورہ عثمانی تحفظخانہ لرندن برنده مأمورین صحیہ نک
نظارتی آلتندہ کمور ایلہ ماکولات و صوآلہ بیلہ جکدر .

حجاز شمندو فری

النجی مادہ رجب شریفک غره سندن اعتباراً کافہ حجاجک عودتندن
صکرہ ختام بولان زمان حج اثناسندہ مسلمـان یولخی نقل ایدن ترنلر
حاجی ترنی عد اولنور .

اللی برنجی مادہ حجاجک اوستی ویانلری آچیق واغونلرلہ یوک
واغونلرندہ سفر ایتساملری ایچون حجاز تیمور یول اداره سی مقدار کافی
یولجی واغونی بولندیرہ جکدر .

مع مافیہ ، یولجی واغونلرینک عدم کفایہ سی تحقق ایدر و باثابت اولور
ایسه اداره مذکورہ اوستنی اورتہ رک اشعہ شمسدن حاجی محافظہ ایتک
وہر حاجی ایچون لاقل بر مترو مربعی (۵۰ سانترو × ۲ مترو) بر
مسافہ تخصیص ایتک شرطیلہ اوستی ویانلری آچیق واغونلرلہ نقل
حجاجہ مآذوندیر .

اللی ایکنجی ماده حج تمیز اولدینی زمان بر ترنك نقل ایده جکی
 حجاجك مقدارى بشیوزى و بولاشق اولدینی زمان او چیوزى اصلاکچیه جکدر.
 اللی اوچنجی ماده كرك عزیمت و كرك عودتده بر ترنك حجاجی تبوك
 تحفظخانه سنده تدابیر صحیه به تابع طوئلق ایجاب ایلدیکی تقدیرده شمندو.
 فر اداره سی « میقاتی » یعنی حرکت جدولانی ترنك تبوكه علی الصبح
 مواصلت ایده جك بر صورتده ترتیب ایتمکه اهتمام ایده جکدر .

اللی دردنجی ماده حجاج نقل ایتمش اولان تمیز محللردن کلان
 واغونلر تبوكده اجزای تخیریة محلولیه یقانه جقدر علت ساریه دن ویا
 مشته بر خسته لکدن مصاب ویا وفات ظهور ایدن واغونلر تحفظخانه
 مدیری طرفدن تعیین ایدیله جك تدابیر تخیریة مخصوصه به تابع بولندیریه جقدر .
 اللی بشنجی ماده تبوكك بری ویا ایلرو جهتمده بر بولاشق
 ویا مشته بر مصاب ظهورنده شمندوفر اداره سی بری تمیز دیگرى بولاشق
 ویا شبهه لی منطقه یه مخصوص اولمق اوزره آیری آیری ایکی قطار ترتینه
 اهتمام ایده جکدر .

اداره مذکوره فضله اوله رق اشبو منطقه لرك ترن مأمورینه بولاشق
 انتاج ایده بیله جك هر درلو اختلاط و مناسباتك قطعنی امر ایده جکدر .
 اللی آلتنجی ماده نظاماً معین اولان قرانتیه یی اکمال ایتمش اولنلری
 بلا تأخر ارکاب ایتمک ایچون شمندوفر اداره سی تبوكده تمیز بر قطار
 بولندیره جقدر .

اللی یدنجی ماده شمندوفر اداره سی یولجی ویا حجاج میاننده
 خسته لنانلری نقل ایتمکه مخصوص اولمق اوزره هر قطاره بر بوش واغون
 علاوه سنه مجبوردر .

اللی سکزنجی ماده تبوك تحفظخانه سنده ازدحامه میدان ویرمامك
 ایچون شمندوفر اداره سی یومی اك زیاده اوچ قطار احضار و ترتیب
 ایده جك و مذکور قطارلرك حرکت ایتمکی ایلك استاسیون مأموری
 زمان حرکتی تبوك تحفظخانه سی مدیرینه بیلدیره جکدر .

﴿ رسومك تحصيلي ﴾

اللى طقوزنجى ماده هر زردن كلور ايسه كلسونلر بعدما حجاجك فقر وفاقه سبيله رسومدن استثناسى قبول اولميه جقدر .

آلتمشنجى ماده سفينه وسنبو قلردروننده بولنان حجاجك موردلرى اعتباريله تابع بولندقلرى قرانته مدتى ايچون نظاماً تأديه ايتملرى لازم كلان رسوم صحيه يكوئنى قيودانلرى وناخذالرى تسويه به مجبور طوتيله جقلر واشبو تأديات كرك قبل الحج عزيمته وكر ك بعدالحج عودته حجاجك قرانته بكلييه جكلرى تحفظخانه ده اجرا اولنه جقدر .

آلتمش برنجى ماده رسوم صحيه تعرفه سنك دردنجى ماده سى موجبنجه حاجى باشنه التمهده اولان اون غروش رسم دخی قيودان ياخود ناخدا طرفدن تسويه ايديله جكدر .

آلتمش ايكنجى ماده رسوم صحيه نك كافه سنى یدى ياشندن دون اطفال مستثنا اولمق اوزره قيودانلروناخذالر بلا تفریق بالجمله حجاجدن اولجه اخذايتمش اولملرى لازم كله جكدر . بوندن ماعدا حجاجه ويريلان بيلتلرده رسوم صحيه نك بيلت ائماننده داخل بولندينى بيلت اوزرنده اشارت ايدلمش اولمق لازمدر .

آلتمش اوچنجى ماده ماده مذكوره ده كى رسوم كاملاً تسويه اولمندجه سفينه سى دروننده بولنان حجاجى قره به اخراج ايلسنه قيودانك مأذون اولماسى وتأدياتك نقد اوله رق استيفا قلمسى قطعياً مقرردر .

﴿ معاملات تخيريه نك صورت ايفاسنه دائر تعليماتدر ﴾

قولرا و وبا ويا صارى حمايه مبتلا خستكان ايچون استعمال اولمش اولان كهينه ملبوسات و اسكى پچاوره و صارغى و ديكر قيمتسز اشيا

احراق بالنار ایدیله جکدر بولاشمش اولان و یا خود بولاشدینی تحت شبهه ده بولان چاشور ویتاق اشیایی و البسه و شاته و خالی و سائرہ میزان الحرارة واسطه سیه بر شته ایچنده لاقبل سانتیگراد یوز درجه حرارت حاصل ایتدیکی آکلاشیلان نه توولرده اون بش دقیقه مدته تجیر ایدیله جکدر . یوزده اون قلو رور دوسود یوم ایله مخلوط بیکده بر نسبتده سوبلیمه محلولی ایچنه الی ساعت مدته خستکانک من خرفاتیله تلویث ایدی لان چاشور و البسه و اشیا القا ایدیله جکدر نه تووو ماکنه سنک درجه حرارتنه تحمل ایدمه یوب بوزیلان اشیا و دریلردن معمول مواد و صمغ ایله یاشمش اشیا ی خشبیه و کچه و قطیفه و ایپک و سائرہ سوبلیمه محلولیله ییقاتدیر یله جقدر یوزده بش نسبتده اولان فنیکه محلوللری بالخاصه معادن و آلات و ادوات سائرہ مثللو نه نه تووک درجه حرارتنه ونه ده سوبلیمه متحمل اولیان موادک تجیرینه مخصوص اوله جقدر کیرچ قیماغی صورت مخصوصه ده اوله رق مواد غائطه و استفر اغانک تجیری ایچون توصیه ایدیلور دروند نده قولرا و وبا و یا صاری حما ظهور ایدن سفائیک تجیری بروجه آتی اجرا اولنور شویله که : خستکانک اشغال ایتدکلری قابینه لک دیوارلری آتیده تعریف قلنان محلول ایله فورجه لنه جقدر .

۵ خام آسید فنیک

۵ پوتاسدن معمول سیاه ویا یشیل صابون

۱۰۰ الی درجه حرارتده صیجاق صو

اشبو محلول ممکن اولدینی قدر صیجاق اوله رق استعمال قلنه حق و بالآخره بو محلولر یوزده اون اسپرتو علاوولی سوبلیمه محلولی ایله تجیر ایدیله جکدر .

اشبو تجیرات دیوارلرک بوزی کاملاً مایع ایله مستور اوله حق بر صورتده دیوارک یوقریسندن باشلا یه رق بر خط افقی تعقیب ایله آشاغی قدر

ایندیریله جقدر. دوشمه لر عینی محلول ایله ییقانه جق وایکی ساعت صکره دیوارلر ایله دوشمه لر یکیدن مبذول صوایله ییقاندیریله جقدر. انبارده کی صوایله ماکنه دائره لرنده و ارزاق انبارنده تراکم ایلین صو سوننامهش کیرچ ایله تبخیر ایدیله جک و بوکیرچه لاقول یوزده بش نسبتده بر محلول وجوده کتیریله جک صورتده صو اضافه قلنه جقدر. انبار صولرینک تعقیمی ایچون لزومی اولان کیرچک مقداری بروجه آتی حساب ایدیله جقدر. اومورغهدن یکریمی بش متره طولنده ویاخود بونک کسوری محل ایچون یوزده بش نسبتده بر مترو مکعب کیرچ قیماغی (یوزده یکریمی نسبتده کیرچ قیماغنه علی العاده اوچ مثلی صو اضافه اولنور) یوزده بش نسبتده اولان اشبو محلول انبار ویا موازنت صولرینک صهرنجنه مخصوص و واسع بردلیکدن طوغریجه دوکیله رک و بر سپورکه معرفتیه قاریشدیریله رق صولرک ایچنده ایوجه تحلیل ایتدیریله جک و دیوارلر کذلک کیرچ قیماغنه باتیرلمش سپورکه ایله اوغوله جقدر کمی صولرندن هیچ برینک لیمانده دوکلمسی جائز اولمادیغدن اونا یکی ساعت مرورندن صکره بالاده بیان قلنان صولر لیمان خارجنده دکزه دوکیله جقدر. بوندن ماعدا تحفظخانه لرده وسفائن درونلرنده فاره لرک صورت اتلافه دائر ۱۹ اغستوس سنه ۳۱۵ تاریخی و ۲۳۳ نومرولی تحریرات عمومیه احکامی کمال شدتله تطبیق و اجرا قلنه جقدر.

﴿ حجاج و یوجیلر ایله اشیا لرینک صورت تبخیری ﴾

حجاج ایله یوجیلر تحفظخانه یه حین خروجلرنده البسه و گیرلی چماشور. لری نه توو معرفتیه تبخیر ایتدیریلنجه یه قدر بردوش واسطه سیله ییقانه جقلر در. تحفظخانه دائره لرینه اقامه اولندقلرینی متعاقب صندوق وسپترلرنده کی بالجمله اشیا بی برکون مبادیا روزکار و کونشه معروض طوتمق ایچون کندولری

مجبور طوتيله جقلردر. مذ کور حجاجك بولنديغى دائره طيبي بومعامله نك
ايضا اولنديغى رأى العين تصديق ايده جك و پراتيقيه آلق و قرانته مدتى
ختم بولمق ايچون اشبو معامله نك لابد ايدو كنى حجاج و يولجيره بهيم
ايدو جكدور.

معاملات تجييه نك تفصيلاتى ايچون « ممالك عثمانيه تحفظخانه لرنده
دستور العمل طو تلىق اوزره مجلس امور صفيه نك ۱۵ حزيران سنه
۱۳۱۵ تاريخلى اجتماعنده اصول تجير حقنده تحت قراره آلنان تعليمات
عموميه » عنوانى آلتنده طبع اولنان رساله يه مراجعت قلنه جكدور.

حجاج سفائنك صورت مساحه

نظامنامه نك اون بشنجى ماده سنده كوسترليكي اوزره واپورلرك
كوكرته سى كيجه و كوندوز طائفيه و كوكرته التده كى قاتده بولنان
حجاج و يولجيره مجانا منحصر و مخصوص طوتيله جنى جهتله كوكرته
مساحه ايدليه جكدور.

كوكرته آلتنده كى قاتك لا اقل التى انكليز قدمى يعنى بر متروسكسان
ايكى سانتيمترو ارتفاعى بولنديغنه كسب قناعت ايدلد كدن صكره مذكور
قاتك نظاماً استيعاب ايدويه جكى حجاج مقدارينك تعيينى ايچون بروجيه
آتى اجراى مساحه سى لازم كلور. واپورك باشندن اوست طرفه
طوغرى اورته ده كى خط اوزرندن اشبوسطحك طولى اولجيه جك ومذ.
كور طول قاعده آتیه اوزره مساوى پارچه لره تقسيم اولنه جقدر شويلاه كه
اولا طولى اللى انكليز قدمى تجاوز ايتمان قاتلر دوت مساوى قسمه ثانياً
طوى اللى انكليز قدمندن زياده و فقط يوزيكرمى قدمدن نقصان اولان
قاتى التى مساوى قسمه ثالثاً طولى يوز يكرمى انكليز قدمندن زياده
و فقط يوز سگسان قدمدن نقصان اولانلر سگز مساوى قسمه رابعاً
طولى يوز سگسان انكليز قدمندن زياده و فقط ايكى يوز يكرمى بش

قدمدن دون بولنانلر اون مساوی قسمه خامساً طولی ایکی یوز یکر می
 بش قدمی تجاوز ایدنلر دخی اون ایکی مساوی قسمه تقسیم ایدیلر جکدر
 هر قسمك طولی عرضیه ضرب اولنه رق حاصل ضرب مذکور قسمك
 — سطحی اراؤه ایده جکی کبی بو حاصل ضربلر جمع ایدلر کده کوکرته
 آلتندکی قاتك سطحی معلوم اولور . حجاجك اقامه سی ایچون خالی اولمیان
 محللر اشبوسطحندن تنزیل اولنه جق و متباقی انکلیر قدمی اوزرینه مساحه
 ایدلرکی حالد اونه الییه و مترو اوزرینه اجرا اولندیغی تقدیرده بر
 بچقه تقسیم اولنوب حاصل تقسیم کوکرته آلتندکی قاتده اقامه سی لازم کلان
 حجاجك مقدارینی کوستره جکدر کوکرته آلتندکی هر بر قاتده اسکان
 اولنه بیلر جک حجاج ایلر یولجیلر خصوص قمارلرده کی یتاقرک مقداری
 جمع اولندقدده سفینه نك نقلنه مأذون اوله جفی حجاجك یکونی حاصل
 اوله جق و برنجی و ایکنجی موقع صالونلری منحصرأ قمارلرده بولنان
 ذواتك استعمالنه منحصر طوتیلر جفندن داخل مساحه اولیه جقدر .

❖ ۱۹۰ نومرولی ۹ تشرین اول سنه ۱۳۱۸ تاریخی ❖

❖ تحریرات عمومیه نك ترجمه سیدر ❖

برعثمانی لیمانه متوجهأ سویش قنالدن ترانسیت صورتیه مرور
 ایدن هر بر سفینه نك صحیه جه بولاشقلی ایجاب ایدن احوالدن کندیغی
 وقایه ایچون مجلس صحیه قراریلر شرائط آتییه رعایت ایلمی اقتضا
 ایدر . شویله که :

اولا بوسفینلر کرک پور سعیدده و کرک سویشده لیمان خارجنده
 توقف ایده جکلر وقنالدن ترانسیت صورتیه مرور متعلق معاملاتك
 ایفاسی ایچون لازم کلان برقاج ساعتدن ماعدا اوراده قالمیه جقدر .
 نانیا کرک پور سعید و سویشده و کرک قنال بوینده صووما کولات

و کور تحمیلی و سائرہ کی [*] خصوصاً تندن طولایی مذکور سفینہ لری ایلہ
قرہ بینندہ ہیچ بر اختلاط وقوع عیولیہ جقدر .

ثالثاً اشبو سفینہ لری درونہ قلاغوز و صحیہ غاردیانلری و سائر کسان
قبول اولمیه حق و بوقلاغوز و صحیہ غاردیانلری ایلہ کسان سائرہ پور سعیددن
سویشه و سویشدن پور سعیده قدر سـ فائن مذکورہ نک اوکنده کیتمک
و قلاغوز لری ایتمک اوزرہ تخصیص قلنان رومور کورلرہ را کب اولہ جقلر در .
رابعاً مواد آنفہ نک تمامی اجراسنی مصدق اولہ رق مأمورین
عائده سی طرفدن صحیہ پاتنتہ سی اوزرینہ شرح ویریلہ جقدر .

اخطار ۱۸۲ نومرولی و ۲ تشرین اول سنہ ۱۳۱۸ تاریخلی تحریرات
عمومیہ بی فسخ ایدن اشبو تحریرات عمومیہ احکامی خطہ مصریہ نک
بولاشق اولدینی زمانلرہ موقع تطبیقہ قونیلہ جقدر .

تحریرات عمومیہ

بیك اوچیوز یکرمی یدی سنہ ہجریہ سی حج شریفہ مخصوص تعلیماتنامہ
احکامنہ علاوہ حجاج کرامدن آلہ حق قرانتہ رسمی مجلس صحیہ قراریلہ
بروجہ آتی تعیین اولمشدر . شویله ، کہ :

اولاً تجیرات و تطہیرات عادیه تابع اولان حجاجدن بش غروشی
قرانتہ رسمی ایکی غروشی غاردیان یومیہ سی اولمق اوزرہ یدی غروش ؛
ثانیاً برکونلک قرانتہ یہ تابع اولان حجاجدن بش غروشی قرانتہ
رسمی ایکی غروشی غاردیان یومیہ سی بر غروشی مصارف متنوعہ اولمق
اوزرہ جمعاً سکمز غروش ؛

ثالثاً : اوچ کونلک قرانتہ یہ تابع اولان حجاجدن اون بش غروشی
قرانتہ رسمی الی غروشی غاردیان یومیہ سی اوچ غروشی مصارف متنوعہ
اولمق اوزرہ جمعاً یکرمی درت غروش .

[*] اشبو تعلیماتنامہ نک اون دردنجی مادہ سنہ مراجعت اولنہ .

رابعاً بش لئونلك قرانته به تابع اولان حجاجدن يكرمى بش غروشى
قرانته رسمى اون غروشى غاردیان يوميه سى بش غروشى مصارف متنوعه
اولمق اوزره جمعاً قرق غروش .

خامساً یدی کون قرانته به تابع اولان حجاجدن اوتوز بش غروشى
قرانته رسمى اون درت غروشى غاردیان يوميه سى یدی غروشى مصارف
متنوعه اولمق اوزره جمعاً اللى التى غروش

سادساً اون کون قرانته به تابع اولان حجاجدن اللى غروشى قرانته
رسمى يكرمى غروشى غاردیان يوميه سى اون غروشى مصارف متنوعه اولمق
اوزره جمعاً يکون سکسان غروش اخذ و استيفا اولنه جقدر .

قرانته مدتک دها زياده تمديدى حالنده بهر کون ايچون قرانته
رسمى و غاردیان يوميه سى اولمق اوزره حاجى باشنه یدی غروش
استيفا قلنه جق و حاجيلک ادکاب و اخراجى ايچون رومور کور بولنديريلان
تحفظخانه لرده فضله اوله رق بهر حاجیدن ايکى غروش النه جقدر .

حجاج سفائى اطباسندن النه جق سند صور تيدر


..... قومپانيه سنه منسوب نام واپورك طيبي
مكتب طيه سندن مأذون زي رده واضع الامضاد وقتور اشبو بيك اوچيوز
يكرمى سنه هجريه سى حج شريفنه مخصوص تعليماتده مندرج اولوب
حجاج سفائى احوال صفيه سيله طائفه سنک بيش نظر اعتناده طوملرى
ايجاب ايدن اقسامى حقنده مأمورين صفيه وقوعبوله جق افادات و بيانده
تمده حقيقتى بلا تغير اعطا ايدنه جكمى مع القسم تعهد ايدى يورم .

دوقتور









BP187.3
A1